



Broj: 08-50.1-96/06  
Sarajevo, 06.05.2014. godine

Ministarstvo pravde Bosne i Hercegovine, rješavajući zahtjev Udruženja Aktuarsko Društvo u Bosni i Hercegovini, sa sjedištem u Sarajevu, ulica Zmaja od Bosne broj 74, u predmetu upis promjena u Registru udruženja, na osnovu člana 43. stav 2. Zakona o udruženjima i fondacijama Bosne i Hercegovine («Službeni glasnik BiH», br. 32/01, 42/03, 63/08 i 76/11) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija («Službeni glasnik BiH», broj 44/10 i 14/12), donosi

### RJEŠENJE

1. U Registru udruženja Ministarstva pravde Bosne i Hercegovine, kod Udruženja Aktuarsko Društvo u Bosni i Hercegovini, sa sjedištem u Sarajevu, ulica Zmaja od Bosne broj 74, upisanog pod registarskim brojem: RU-483/06, knjiga I Registra, dana 04.08.2006. godine, upisuju se promjene, kako slijedi:
  - 1.1 Prestaju ovlaštenja za zastupanje Udruženja u pravnom prometu,  
Pilav Bakiru, Predsjedniku Udruženja i Predsjedniku Upravnog vijeća Udruženja.  
  
Lica ovlaštena za zastupanje Udruženja su:  
**Anita Beus, Predsjednik Udruženja i Predsjednik Upravnog vijeća Udruženja i  
Bakir Pilav, Potpredsjednik Udruženja i Potpredsjednik Upravnog vijeća Udruženja.**
  - 1.2 Promjena i imenovanje članova Upravnog vijeća Udruženja.
2. Ostali upisi u Registru udruženja kod Udruženja Aktuarsko Društvo u Bosni i Hercegovini, ostaju neizmjenjeni.
3. Ovo Rješenje će se objaviti u „Službenom glasniku BiH“, o trošku podnosioca zahtjeva.

### Obrazloženje

Udruženje Aktuarsko Društvo u Bosni i Hercegovini, sa sjedištem u Sarajevu, ulica Zmaja od Bosne broj 74, upisano je u Registar udruženja kod Ministarstva pravde Bosne i Hercegovine, pod registarskim brojem: RU-483/06, knjiga I Registra, dana 04.08.2006. godine.

Udruženje je 20.03.2014. godine podnijelo Zahtjev za upis promjena u Registru udruženja ovog Ministarstva.

U toku postupka Ministarstvo je utvrdilo da zahtjev nije potpun, te da sadrži nedostatke i nepravilnosti zbog kojih nije moguće izvršiti upis promjena u Registru udruženja. Ministarstvo je aktom broj: 08-50.1-96/06 od 15.04.2014. godine zatražilo ispravku i dopunu zahtjeva.

Udruženje je podnescima od 25.04.2014.godine i 29.04.2014.godine izvršilo izmjene i dopune zahtjeva, te uz Zahtjev priložilo slijedeću dokumentaciju: Zapisnik sa 6. Redovne Skupštine od 20.02.2014. godine; Odluku o razrješenju Predsjednika Udruženja, broj: 05-1/14 od 20.02.2014. godine; Odluku o imenovanju Predsjednika Udruženja, broj: 06-1/14 od 20.02.2014. godine i ovjeren vlastoručni potpis imenovanog lica; Odluku o razrješenju Potpredsjednika Udruženja, broj: 05-2/14 od 20.02.2014. godine; Odluku o imenovanju Potpredsjednika Udruženja, broj: 06-2/14 od 20.02.2014. godine i ovjeren vlastoručni potpis imenovanog lica; Odluku o razrješenju članova Upravnog vijeća Udruženja, broj: 05-3/14 od 20.02.2014. godine; Odluku o imenovanju članova

Upravnog vijeća Udruženja, broj: 06-3/14 od 20.02.2014. godine, te ovjerene fotokopije ličnih karata članova Upravnog vijeća Udruženja.

Uvidom u priloženu dokumentaciju utvrđeno je da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis promjena u Registru udruženja, stoga je riješeno kao u dispozitivu.

Na ovo Rješenje naplaćena je administrativna taksa u iznosu od 200,00 KM za upis promjena u Registru udruženja, u skladu sa članom 33. stav (2) tačka b) navedenog Pravilnika.

**Pouka o pravnom lijeku:**

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.



**MINISTAR**

**Bariša Čolak**

**Dostavljeno:**

- Udruženju Aktuarsko Društvo u Bosni i Hercegovini, ulica Zmaja od Bosne broj 74, 71 000 SARAJEVO;
- Zbirka isprava;
- JP NIO "Službeni list BiH".